



FAQs en connex cun la nova ediziun dal carnet da controlla per la tgira dals dents en scola a partir dal 2025/26

Tge è il carnet da controlla per la tgira dals dents en scola?

Il carnet da controlla è in carnet persunal per mintga uffant en la scola populara, nua ch'ins documentescha las controllas dal dentist/da la dentista (da scola) e las mesiras profilacticas regularas.

Co duvra il carnet da controlla per la tgira dals dents en scola?

Da princip cuntengnan ils carnets da controlla indicaziuns davart il stadi da sanadad dals dents da las scolaras e dals scolars. Questas infurmaziuns stattan sut la protecziun da datas ed èn perquai da tractar da maniera confidenziala. Il carnet da controlla per la tgira dals dents en scola è vegnì repassà per motivs dal dretg da la protecziun da datas. A partir da l'onn da scola 2025/26 èn ils novs carnets da controlla per la tgira dals dents en scola disponibels e pon vegnir retratgs tar ils meds d'instrucziun dal Grischun.

Ils purtaders da scola èn responsabels da resguardar las determinaziun pertutgant la protecziun da las datas. Per il carnets da controlla per la tgira dals dents en scola datti las suandantas pussaivladads:

1. Utilisaziun dals novs carnets da controlla per la tgira dals dents en scola a partir da 2025/26

Uschia vegnan ademplidas las determinaziuns per la protecziun da las datas actualas. Quai na vala betg mo per scolaras e scolars che cumenzan la scola, mabain era per la substituziun dals carnets che èn già en circulaziun.

2. Utilisaziun dals carnets da controlla per la tgira dals dents en scola blaus da fin ussa

Per utilisar vinavant ils carnets da controlla per la tgira dals dents en scola da fin ussa exista la pussaivladad da dumandar il consentiment scrit da las personas responsablas per l'educaziun.

Tgi è responsabel per il carnet da controlla?

- Scolas/persunas d'instrucziun: tegnan en salv il carnet ed al dattan a la dentista/al dentist da scola per mintga controlla dals dents. Ultra da quai controllaschan ellas, sch'il tractament recumandà è vegnì fatg.
- Dentistas/dentists: nodan resultats dad examinaziuns e recumandaziuns.
- Geniturs/persunas responsablas per l'educaziun: suttascrivan la pagina da la diagnosa e conferman uschia l'invista.

Applicaziun dal carnet da controlla per la tgira dals dents en scola

Tar l'entrada en scolina resp. tar la scolarisaziun survegnan ils uffants in carnet da controlla per la tgira dals dents en scola.

Il carnet da controlla per la tgira dals dents en scola accumpogna ils uffants durant l'entir temp da la scola obligatorica tras tut las classas e vegn tegnì en salv da la persuna d'instrucziun da la classa.

Tar la midada en in'autra classa u tar la midada dal lieu da scola surdat la persuna d'instrucziun da la classa anteriura il carnet da controlla a la nova persuna d'instrucziun da la classa. A la fin dal temp da la scola obligatorica vegn il carnet da controlla per la tgira dals dents en scola surdà al las scolaras ed als scolars.

Tgi paja las controllas da la dentista/dal dentist ed ils tractaments?

- Examinaziuns da controlla vegnan pajadas en bleras vischnancas en il rom da la tgira dals dents en scola.
- Tractaments van a quint dals geniturs (resp. da la cassa da malsauns, sche las prestaziuns èn cuvridas).